

四庫全書

集部

欽定四庫全書

惜香樂府卷六

宋 趙長卿 撰

冬景

滿庭芳

十月念六日大雪作此呈社人

晚色沉沉雨聲寂寞夜寒初凍雲頭曉來砦砌一片冷  
光浮目斷江天靄靄低迷映綠竹修修多才客高吟柳  
絮還更上層樓烹茶新試水人間清楚物外遨遊勝

似他銷金暖帳情柔細看流風迴舞終日價淺酌輕謳  
醺醺地美人翻曲消盡古今愁

御街行

雨夜

晚來無奈傷心處見紅葉隨風舞解鞍還向亂山深黃  
昏後不成情緒先來離恨打疊不下天氣還淒楚風  
兒住後雲來去裝撰些兒雨無眠托首對孤燈好語向  
誰分付從來煩惱嚇得膽碎此度難擔負

有有令

殘歲

前山減翠疎竹度輕風日移金影碎還又年華莫看看  
是新春至那更堪有個人人似花似玉溫柔伶俐準  
擬恩情忔戲拈弄上則人難比我也埋根豎柱你也爭  
些氣大家一捺頭地美中更美厮守定共伊百歲

一翦梅

或刻攤破醜  
奴兒梅詞

樹頭紅葉飛都盡景物淒涼秀出羣芳又見江梅淺淡  
粧也囉真個是可人香蘭魂蕙魄應羞死獨占風光  
夢斷高堂月送疎枝過女牆也囉真個是可人香

臨江仙

日暮舟中月明寒甚憶暖春圍爐

日欲低時江景好  
莫山紫翠重重釣筒收盡碧潭空  
一船霜夜月兩岸荻花風  
遙憶暖春新向火黃昏下了  
簾櫳水村漁浦艤孤蓬  
單衾愁夢斷無夢轉愁濃

南歌子

坐夜

霜結凝寒夜星輝識曉晴  
蘭膏重剔且教明為照梢頭  
香縷一絲輕坐久看看困  
新詞綴未成梅花熏得酒  
初醒更向耳邊低道月三更

永遇樂

霜詞

宵露珠零，澌冰花薄，凝瑞偏早。月練輕翻，風刀碎翦，青女呈纖巧。微丹楓，纈低摧蕉尾，不覺半池蓮倒。最好是、千林橘柚，輕黃一村封了。佳人指冷，暗驚羅幙，一夜斜飛多少。怕倚銀屏，愁看玉砌，金菊鮮鮮曉。傷嗟傳粉，佳期還未，何處冷沾衣透。爭知人、臨鸞試罷，與梅共瘦。

玉蝴蝶

雪詞

片片空中翦，水巧粧春，色照耀江湖。漸覺花毬轉柳，莢

陣飛榆散銀盃時時逐鳥翻綳帶一一隨車徧簾隅寒  
生冰筋光剖明珠應須淺斟低唱瓊垂紅帳獸爇金  
爐更向高樓縱觀吟醉謝娘扶靜時聞竹聲巖谷漫不  
見禽影江湖儘躊躇歌闌寶玉賦就相如

瀟湘夜雨

燈詞

斜點銀釭高擎蓮炬夜寒不奈微風重重簾幙掩堂中  
香漸遠長烟裊穗光不定寒影搖紅偏奇處當庭月暗  
吐焰如虹紅裳呈豔麗娥一見無奈狂蹤試煩他纖

手捲上紗籠開正好銀花照夜堆不盡金粟凝空叮嚀  
語頻將好事來報主人公

念奴嬌

夜寒有感

據爐肅坐聽瓶笙別有天然宮徵紙帳屏山渾不俗寫  
出江南烟水繁短燈青灰間香軟所欠惟梅矣風飛無  
定數聲時顫窻紙試問夜已何其呼童起看月上東  
牆未天外忽聞征雁過還把音書來寄短笠埋烟輕蓑  
鳴雨已辦征船計放教歸去故鄉江上魚美



似娘兒

向刻攤破醜奴兒  
誤初冬日有感

又是兩分攜  
顚損看怎醫  
治烟村一帶寒江遠  
悲風紅葉殘  
陽莫草還似年時  
愁緒暗猶夷  
謾屈指數遍  
歸期短  
檠燈燼無人問  
此時只有窻前素月  
剛伴相思

柳梢青

過何郎石  
見早梅

雲暗天低  
楓林凋翠  
寒雁聲悲  
茆店兒前  
竹籬巴後  
初見橫枝  
盈盈粉面  
香肌記月榭  
當年見伊  
有恨難傳  
無腸可斷  
立馬多時

祝英臺近

武陵寄暖  
紅諸院

記臨歧銷黯處離恨慘歌舞恰是江梅開遍小春莫斷  
腸一曲金衣兩行玉筍酒闌後欲行難去惡情緒因  
念錦幄香奩別來負情素冷落深閨知解怨人否料應  
寶瑟慵彈露華嬾傳對鸞鏡終朝凝竚

點絳脣

夜飲青雲樓聞更漏近如在  
脚底因思向事追念故作

瓦濕鴛鴦夜深霜重江風冷月華明映清浸梅梢粉  
漏斷寒濃惹起當年恨君休問雁飛欲盡沒個南來信

又

當日相逢枕衾清夜紗窗冷翠梅低映汗濕香腮粉  
美滿風情結下無窮恨憑誰問此心難盡說與他爭信

又

對景有感

雪霽山橫翠濤擁起千重恨砌成愁悶那更梅花褪  
鳳管雲笙無不縈方寸叮嚀問淚痕羞搵界破香腮粉

柳梢青

東園醉  
作梅詞

千林落葉聲聲悽慘江皋雁飛難似玉肌總驚花貌壓

倒芳菲 香心吐盡因誰料調鼎工夫易期休唱陽關  
莫歌白雪雨淚沾衣

西江月

雪江見紅梅對酒

背日猶餘殘雪向陽初綻紅梅臘寒那事更相宜醉了  
還醒又醉 堪笑多愁早老管他閒是閒非對花酌酒  
兩忘機唱個哩謔囉哩

眼兒媚

霜夜對月

一鉤新月照西樓清夜思悠悠那堪更被征鴻嘹唳絆

惹離愁 倚欄不語情如醉都總寄眉頭從前只為惜  
他伶俐舉措風流

別怨

霜寒

嬌馬頻嘶曉霜濃寒色侵衣鳳帷私語處翻成離怨不  
勝悲更與叮嚀祝後期素約諧心事重來了比看相  
思如何見得明年春事濃時穩乘金腰褭來爛醉玉東  
西

減字木蘭花

冬日飲別  
趙德遠

小春天氣未唱陽關心已醉紅蓼秋容後會何時得再  
逢歸朝好事仰看皇州揚雨露百里恩波擬欲留公  
無奈何

好事近

餞趙丞  
席上作

去路馬蹄輕正是小春時節愛日暖烘江樹綴梅梢新  
雪范滂攬轡正澄清知我公明潔分此仁風愷悌濟  
鄰邦歡悅

霜天曉角

霜夜  
小酌

閣兒幽靜處圍爐面小窻好是鬪頭兒坐梅烟炷返魂  
香對火怯夜冷猛飲消漏長飲罷且收拾睡斜月照  
滿簾霜

鷓鴣天

臘夜

寶篆龍煤燒欲殘細聽銅漏已更闌紗窻斜月移梅影  
特地籠燈仔細看幽夢斷舊盟寒那時屈曲小屏山  
風光得似而今不肯把花枝作等閒

驀山溪

和曹元寵  
賦梅韵

玉妃整佩絳節參差御一笑喚春回正江南天寒歲暮  
孤標獨立占斷世間香雲屋冷雪籬深長記西湖路  
人間塵土不是留花處羌管一聲催碎瓊瑤紛紛似雨  
枝頭著子聊與世調羹功就後盍歸休還記來時不

浣溪沙

賦梅

雪壓前村曲徑迷萬山寒立玉參差孤舟獨釣一蓑歸  
別塢時聽風折竹斷橋間看水流嘶一枝凍蘖出疎

籬



又  
冬初

風捲霜林葉葉飛  
雁橫寒影一行低  
淡烟衰草不勝詩  
白酒已蕩浮蟻熟  
黃雞未老藁頭肥  
問儂不醉待何時

又  
臘梅

憶為梅花醉不醒  
斷橋流水去無聲  
鷺翹沙嘴亦多情  
疎影臥波波不動  
暗香浮月月微明  
高樓羌管未須橫

點絳脣

月夜

離緒千重角聲偏著羈人枕那堪酒醒勾引愁難整

門鎖黃昏月浸梅花冷人初靜斗垂天迴雁落清江影

鷓鴣天

霜夜

門外寒江泊小船月明留客小窻前夜香燒盡更聲遠  
斗帳低垂暖意暄醺著酒凭上欄伴他針線嬾成眠  
情知今夜鴛鴦夢不似孤蓬宿雁邊

望江南

霜天  
有感

山又水雲岫插峰巒斷雁飛時霜月冷亂鴉啼處日銜  
山疑在畫圖間金烏轉遊子損朱顏別淚盈襟雙袖  
濕春心不放兩眉間此去幾時還

玉樓春

臘月

尋春誤入桃源洞草草幽歡聊與共牢籠風月此時情  
做造溪山今夜夢柳條未放金絲弄梅萼已經霜雪  
凍新來愁恨重如山不信馬兒駝得動

鵲橋仙

寒梅

溪清水淺霜明月淡玉破梅梢未遍寒枝纖瘦乃如無  
但空裏飛花數片 乘風欲去凌波難駐惟見紅愁粉  
怨夜深青女濕霓裳暗香在廣寒宮殿

菩薩蠻

初冬  
旅思

楓林颯颯凋寒葉汀蘋敗蓼遙相接景物已非秋淒涼  
動客愁 還家貧亦好肯厭盃中草香飯滑流匙三登  
快樂時

又

霜天  
旅思

霜風颯颯溪山碧寒波一望傷行色落日淡荒村人家  
半掩門孤舟移野渡古木棲鴉聚著雨晚風酸貂裘  
不奈寒

又

初冬

敗荷倒盡芙蓉老寒光黯淡迷衰草行客易銷魂笛飛  
何處村雲寒天借碧樹瘦烟籠直若個是鄉關夕陽  
西去山

阮郎歸

客中  
見梅

年年為客遍天涯  
夢遲歸路賒無端  
星月浸窻紗一枝  
寒影斜  
腸未斷鬢先華  
新來瘦轉加  
角聲吹徹小梅  
花  
夜長人憶家

霜天曉角

梅詠

香來不歇誰把南枝折  
的皜疎花初破都因是  
夜來雪  
清絕十分絕  
孤標難細說  
獨立野塘清淺誰作伴  
空  
夜月

又

和梅

雪花飛歇好向前村折行至斷橋斜處寒蕙瘦不禁雪  
韵絕香更絕歸來人共說最愛夜堂深迴疎影占半

窻月

菩薩蠻

初冬  
旅中

客帆卸盡風初定夜空霜落吳江冷幸自不思歸無端  
烏夜啼雞鳴殘月落到枕秋聲惡有酒不須斟酒深  
愁轉深

憶秦娥

初冬

寒蕭索征鴻過盡離懷惡離懷惡江空天迴夜寒楓落  
有人應誤刀頭約情深翻恨郎情薄郎情薄夢回長  
是半牀閒却

如夢令

漢上  
晚步

何處一聲鳴鴈驚起滿川寒鷺一著畫難成雪霽亂山  
無數且住且住數遍溪南烟樹





惜香樂府卷六

欽定四庫全書

集部

惜香樂府卷七  
十五

詳校官中書<sub>臣</sub>呂光復

侍讀<sub>臣</sub>孫球覆勘

總校官降調編修<sub>臣</sub>倉聖脉

校對官學正<sub>臣</sub>周鉉

謄錄監生<sub>臣</sub>張炳

欽定四庫全書

惜香樂府卷七

總詞

水龍吟

仙源居士有武林之行因與一二友攜酒賞月飲於縣橋之中乃即事為之詞

危樓橫枕清江上兩岸碧山如畫夕烟冪冪晚燈點點  
樓臺新夜明月當天白沙流水冷光連野浸闌千萬頃  
琉璃軟艸打漁艇相高下何處一聲羌管是誰家倚

宋 趙長卿 撰

樓人也多情對景無言有恨欲歌還罷把酒臨筵阿誰  
知我此懷難寫忍思量後夜芳容不似暗塵隨馬

水調歌頭

元日客  
寧都

離愁晚如織托酒與消磨奈何酒薄愁重越醉越愁多  
忍對碧天好夜皓月流光無際光影轉庭柯有恨空垂  
淚無語但悲歌因凝想從別後促雙蛾春來底事孤  
負紫袖與紅鞵速整雕鞍歸去著意淺斟低唱細看小  
娉娉萬蕊千花裏一任玉顏酡

水龍吟

江樓席上歌姬盼盼翠鬟侑樽酒  
行彈琵琶曲舞梁州醉語贈之

酒潮勻頰雙眸溜美映遠山橫秀風流俊雅嬌癡體態  
眼前稀有蓮步彎彎移歸拍裏淩波難偶對仙源醉眼  
玉纖籠巧撥新聲魚紋皺我自多情多病對人前只  
推傷酒瞞他不得詩情嬾倦沈腰銷瘦多謝東君慙慙  
知我曲翻紅袖拌來朝又是扶頭不起江樓知不

念奴嬌

小飲江  
亭有作

夕陽低盡望楚天空闊稀星簾幙暮靄橫江烟萬縷照

水參差樓閣兩兩三三樓前歸鷺飛過闌干角霜風何  
事遠檐吹動寂寞消散我已忘機而今百念灰了心頭  
火對酒當歌渾冷淡一任他憑嗔惡松竹園林柳梧庭  
院自有人間樂閒雲休閒去來本是無著

水調歌頭

遣懷

貪癡無了日人事沒休期白駒過隙百歲能得幾多時  
自古腰金結綬著意經營辛苦回首不勝悲名未能安  
穩身已致傾危空剗刻休巧詐莫心欺須知天定只

見高塚與新碑我已從頭識破贏得當歌臨酒歡笑且  
隨宜較甚榮和辱爭甚是和非

水龍吟

自遣

幾曾著意斟量過天下事無窮盡貪榮貪富朝思夕計  
空勞方寸躡足封王功名蓋世誰如韓信更堆金積玉  
石崇豪侈當時望傾西晉長樂宮中一嘆又何須纍  
懸印吹樓效死輕車東市頭膏血刃尤物虛名於身何  
補一齊休問遇當歌臨酒舒眉展眼且隨緣分

驀山溪

午坐壺天冰雪風  
傳琵琶有感而作

壺天冰雪消盡虛堂暑多謝故人來風送花香傳小樹  
香風初過一曲斷腸聲如怨訴訴閒愁落落琵琶語

江邊馬上彈指成千古淚眼與啼粧嘆風流只今何處  
芳心役損觸事起悲酸招玉素撥檀槽整理金衣縷

念奴嬌

席上  
即事

精神俊雅更那堪天與風流標格羅綺叢中偏豔冶到  
處教人憐惜目翦秋波指纖春筍新樣冠兒直高唐雲



雨甚人有分消得 忙戲笑裏含羞回眸低盼此意誰  
能識密約幽歡空悵望何日能諧端的玳席歌餘蘭堂  
香散此際愁如織人歸空對晚陰庭樹橫碧

瑞鶴仙

歸寧都因成  
寄暖香諸院

無言屈指也算年年底事長為旅也恹惶受盡也把良  
辰美景總成虛也自嗟嘆也這情懷如何訴也謾愁明  
怕暗單栖獨宿怎生禁也 閒也有時臨鏡漸覺形容  
日銷減也光陰換也空孤負少年也念仙源深處暖香

小院贏得羣花怨也是虧他見了多教罵幾句也

驀山溪

遣懷

無非無是好個間居士衣食不求人又識得三文兩字  
不貪不偽一味樂天真三徑裏四時花隨分堪遊戲  
學些沓拖也似沒意志詩酒度流年熟諳得無爭三昧  
風波岐路成敗霎時間你富貴你榮華我自關門睡

青玉案

德遠歸越因  
作此餞行

東門楊柳空盈路繫得征鞍能駐不暗綠枝頭新過雨

柔絲千尺乳鶯百轉似怨行人去  
行人去後知何處  
去向天邊遙鵲鶯瑤管瓊臺多雅趣  
花磚穩上玉階閣  
步肯念人塵土

虞美人

江鄉對景

雨聲破曉催行槳  
拍拍溪流長  
綠楊遶岸水痕斜  
恰似畫橋西畔那人家  
人家樓閣臨江渚  
應是停歌舞  
珠簾整日不閒鉤  
目斷征帆猶未識歸舟

又送別

燈前忍見啼紅面別酒頻斟勸愁蛾斂翠不勝情報道  
看看天色待平明慇懃重把陽關唱休要教人望出  
門猶自尚叮嚀廝養頻催恰好趁涼行

臨江仙

楊柳

十里春風揚柳路年年帶雨披雲柔條萬縷不勝情還  
將無意眼識遍有心人餓損宮腰終不似效顰總是  
難成只愁秋色入高林殘蟬和落葉此際不堪論

漁家傲

旅中  
遠思

客裏情懷誰可表淒涼舉目知多少強飲強歌還強笑  
心悄悄從頭徹底思量了當日相逢非草草果然思  
愛成煩惱穩整征鞍歸去好重廝守相期待與同偕老

江神子

述情

當時得意兩心齊綺窗西共于飛拂掠宮粧長與畫新  
眉一自別來烟水闊愁易積夢還稀相逢却似舊家  
時恨依依語低低多少關情冷暖有誰知只此定應諧  
素願但指日約鸞棲

御街行

柯山故人別後  
改圖因作此

香熏斗帳相逢乍正宮漏沉沉夜月飛梅影上簾櫳標  
致風流嬌雅眼波橫浸照人百媚無限叮嚀話 玉鞍  
門上嘶歸馬趙行色難留也別來花豔不禁春浪向東  
風輕嫁空餘小院博山修竹依舊窻兒下

一叢花

和張  
子野

當歌臨酒恨難窮酒不似愁濃風帆正起歸興岸東西  
芳草漫茸茸楚夢乍回吳音初聽誰念我孤蹤 藏春

小院煖融融眼色與心通烏雲有意重梳掠便安排金屋房櫳雲雨前因鴛鴦宿債作個好家風

天仙子

寓意

眼色媚人嬌欲度行盡巫陽雲又雨花時還復見芳姿  
情幾許愁何許莫向耳邊傳好語往事悠悠曾記否  
忍聽黃鸝啼錦樹啼聲驚碎百花心分付與誰為主落  
盡飛紅知甚處

瑞鷓鴣

遣情

寶籤常見曉粧時面藥香融傳口脂擾擾親曾撩綠鬢  
纖纖巧與畫新眉濃歡已散西風遠憶淚無多為你  
垂各自從今好消遣莫將紅葉浪題詩

又

寓意

結絲千緒不勝愁莫怪安仁鬢早秋檀口未歌先搵淚  
柳眉將斂半凝羞孟傾潏灩送行酒岸艤飄飄欲去  
舟待得名登天府後歸來茱菊映釵頭

行香子

馬上有感



驕馬花驄柳陌經從小春天十里和風箇人家住曲巷  
牆東好軒窗好體面好儀容 燭炮歌慵斜月朦朧夜  
新寒斗帳香濃夢回畫角雲雨匆匆恨相逢恨分散恨  
情鍾

夜行船

詠美人

龜甲爐烟輕裊簾櫳靜乳鴉啼曉拂掠新粧時宜頭面  
繡草冠兒小 衫子揉藍初著了身材稱就中恰好手  
撚雙紈菱花重照帶朶宜男草

採桑子

寓意

疎簾乍捲孜孜看冰玉精神體白停勻端的于人不薄  
情更無背約和焦燥各表真誠纔得相親切莫分張

向別人

蝶戀花

登樓晚望聞歌聲清婉而作

閒上西樓供遠望一曲新聲巧媚誰家唱獨倚危欄聽  
半晌長江快瀉澄無浪清淚恰同春水漲拭盡重流  
觸事如何向不覺黃昏燈已上舊愁還是新愁樣

又

天淨姮娥初整駕桂魄蟾輝來趁清和夜費盡丹青無  
計畫纖纖側向疎桐挂人在扶疎桐影下耳畔輕輕  
細說家常話年少難留應不借未歌先咽歌還罷

又 寧都半歲歸家欲別  
去而意終不決也

葉底蜂衙催日晚向晚勻粧巧畫宮眉淺翠幙無風香  
自遠金船酌酒須教滿未說別離魂已斷雨幌雲屏  
只恐良宵短心事不隨飛絮亂宦情肯把恩情換

鷓鴣天

晨起忽見大鏡觀物思人有感而作

睡覺扶頭聽曉鐘  
隔簾花霧濕香紅  
翠搖鈿砌梧桐影  
暖透羅襦芍藥風  
閒對影記曾逢  
畫眉臨鏡霎時同  
相思已有無窮恨  
忍見孤鸞宿鏡中

又

月夜諸院飲酒行令

寶篆烟消香已殘  
嬋娟月色浸闌干  
歌喉不作尋常唱  
酒令從他各自還  
傳盃手莫教閒  
醉紅潮臉媚酡顏  
相攜共學鸞鸞侶  
却笑盧郎舊約寒

又

暇日泛舟遊客有嘆居士髮白者未竟忽見臨江倚樓人因思向來有感作此

綠水澄江得勝遊  
浪平風軟稱輕舟  
樽前我易傷前事  
柳外人誰獨倚樓  
空感慨惜風流  
風流贏得謾多愁  
愁多著甚銷磨得  
莫怪安仁鬢早秋

又

偶有鱗翼之便書以寄文卿

一曲清歌金縷衣  
巧佼心事有誰知  
自從別後難相見  
空解題紅寄好詩  
憶攜手過堦墀  
月籠花影半明時  
玉釵頭上輕輕顫  
搖落釵頭荳蔻枝

眼兒媚

東院遠人乞詞醉  
中書於裙帶三首

人隨社節去匆匆此恨幾時窮  
陽臺寂寞巫山淒慘雲  
雨成空芭蕉密處窻兒下  
冷落舊香中黃昏靜也蛩  
聲滿院明月清風

又

槐陰密處囀黃鸝  
午日正長時一番過雨綠荷池面冷  
浸琉璃紅塵不到華堂裏  
纖楚對蛾眉笑偎人道新  
詞覓個美底腔兒

又

當年策馬過錢塘  
曲徑小平康  
繁紅釀白嬌  
鸚啞燕爭  
喚何郎  
而今又客東風裏  
渾不似尋常  
只愁別後月  
房雲洞啼損紅粧

臨江仙

笙妓夢雲對居士忽有  
翦髮齊眉修道之語

葢嫩花房無限好  
東風一樣春  
工百年歡笑  
酒樽同笙  
吹雛鳳  
紫裙染石榴紅  
且向五雲深處住  
錦衾繡幌  
從容如何即是  
出樊籠  
蓬萊人少到雲雨  
事難窮

又

予買一妾稍慧教之寫東坡字半年又工唱東坡詞命名文卿元約三年文卿不忍捨主厭母不容與議堅索之去今失於一農夫常常寄聲或片紙數字問訊仙源有感遂和其韵

破靨盈盈巧笑舉盃灩灩迎逢慧心端有謝娘風燭花  
香霧嬌困面微紅別恨綵箋雖寄清歌淺酌難同夢  
回楚館雨雲空相思春莫愁滿綠蕪中

又

夜半更深燭盡月明飲興未闌再酌命諸姬唱一詞

夜久笙簫吹徹更深星斗還稀醉拈裙帶寫新詩鎖窗  
風露燭地月明明時水調悠揚聲美幽情彼此心知古



香烟斷綵雲歸滿傾蕉葉齊唱轉花枝

惜奴嬌

賦水仙花

洛浦嬌魂怨得到人間少把風流分付花貌六出精神  
臘寒射香試到清秀與江梅爭相先後 薜蘿粗疎怎  
似妖嬈體調比山樊也應錯道最是慇懃捧出金盞銀  
臺拌了仙源與奇葩醉倒

惜香樂府卷七

欽定四庫全書

惜香樂府卷八

宋 趙長卿 撰

總詞

水龍吟

無情風掠芭蕉響還是重門已閉銀釭獨對相思方切  
教人怎睡解嘆從前事解嘆了依前忍氣想他家那裏  
知人顚顚想應是睡也未 且恁和衣強寢奈無寐依

前重起起來思想當初與你忒煞容易及至而今也半  
頭天眼不存不濟最消魂苦是黃昏前後冷清清地

水調歌頭

賞月

把酒相勞苦月色耀天章冰輪碾破寒碧飛入酒樽涼  
擊節詞人妙句吸此清輝萬丈肺腑亦生光攬袂欲仙  
舉逸興共天長日邊客幙中俊坐間狂浩歌清嘯恍  
然雲海渺茫茫喚醒謫仙蘇二何事常愁客少更恐被  
雲妨月與人長好廣大醉為鄉

水龍吟

詞雲

先來天與精神更因麗景添殊態拖輕冉冉纔凝一段  
還分五綵畢竟非烟有時為雨惹情無奈道無心怎被  
歌聲遏斷遲遲向青天外宜伴先生醉臥得饒到和  
山須買也曾惱殺襄王誰道依前不會我欲乘風歸去翻  
悵悵帝鄉何在念佳期未展天長莫合儘空相對

訴衷情

花前月下會鴛鴦分散兩情傷臨行祝付真意臂間皓

齒留香 還更毒又何妨儘成瘡瘡兒可後痕兒見在  
見後思量

滿江紅

懊惱平生奈天賦恩情太薄二三歲看伊受盡眼尖眉  
角記得當初低耳畔是誰先有于飛約惟到今剗地誤  
盟言還先惡 天眼見人難度天易感人難托人心險  
天又怎生捉摸莫問傍人非與是手兒但把心兒托便  
不成廝守許多時乾休却

賀新郎

負你千行淚大都來一寸心兒萬般縈繫似恁愁煩那  
裏洎故自三年二歲為你後甘心顚顚終待說山盟海  
誓這恩情到此非容易拌做個久長計緊要事須評  
議怕人人驀地知時怎生處置毒害心腸祇知是怕你  
生煩到底便莫待將人輕棄不是我多疑你被傍人賺  
後失圈圓經一事長一智

好事近

喜氣擁門闌光動綺羅香陌行到紫薇花下悟身非凡  
客不須朱粉汙天真嫌怕太紅白留取黛眉淺處畫  
章臺春色

眼兒媚

連滄危觀莫江前幾醉使君筵少年俊氣曾將吟筆買  
斷江天重來細把朋遊數回首一辛酸蘭城已老文  
園多病負此江山

簇水



長憶當初是他見我心先有一鈎纔下便引得魚兒開口好事重門深院寂寞黃昏後厮覷著一面兒酒試攪就便把我得人意處暝子裏施纖手雲情雨意似十二巫山舊更向枕前言約許我長相守歡人也猶自眉頭皺

青杏兒

舊刻攤破  
醜奴兒非

最苦是離愁行坐裏只在心頭待要作個巫山夢孤衾展轉無眠到曉和夢都休夢裏也無由誰敢望真個

綢繆暫時不見渾閒事只愁柳絮楊花自來擺蕩難留

更漏子

燭消紅窻送白冷落一衾寒色鴉喚起馬駝行月來衣  
上明酒香脣粧印臂憶共個人人睡魂蝶亂夢鸞孤  
知他睡也未

浣溪沙

一味風流一味香十分濃艷十分粧自然嬌態自然芳  
樓上好風樓下水雪前欄檻竹前窻也宜單著也宜

雙

又

惻惻笙竽萬籟風陽關疊遍酒尊空相逢草草別匆匆  
滿眼淚珠和雨灑一襟愁緒抵秋濃相思今夜五雲  
東

漢宮春

講柳談花我從來口快歡說他家眼前見了無限楚女  
吳娃千停萬穩較量來終不如他便做得宮儀院體歌

談不帶烟花 從前萬事堪誇愛拈牋弄管錦字歌斜  
新來與人孺著不許胡巴豪蕩謾惹料福緣淺似他些  
誰為傳詩遞曲慙慙題上窻紗

雨中花慢

幌子分香羅巾拭淚別來時未覓悽惶上得船兒來了  
剗地淒涼可惜花前月裏却成水遠山長做成恩愛如  
今贏得萬里千鄉 情知這場寂寞不干你事傷我窮  
忙不道是久長活路終要稱量我則匆匆歸去知你且

種種隨娘下梢睚徹有時共你風光

柳梢青

小窻閒遠雲髻蹙香肩肌偎膝玉局無塵明瓊欲碎春  
纖同擲 不爭百萬呼盧賭今夜鴛帷痛惜好忍馬兒  
若還輸了當甚則劇

玉團兒

鉛華淡埽新粧束好風韻天然異俗彼此知名雖然初  
見情分先熟 爐烟淡淡雲屏曲睡半醒生香透肉賴

得相逢若還虛度生世不足

南歌子

梅萼和霜曉梨花帶雪春玉肌瓊豔本無塵肯把鉛華  
容易污天真 湯餅嘗初罷羅巾拭轉新幾回貪耍失  
黃昏月裏歸來無處覓精神

臨江仙

人在夢雲樓上別殘燈影裏遲留依稀綠慘更紅羞露  
痕雙臉濕山樣兩眉愁 幾幅片帆天際去雲濤烟浪

悠悠今宵獨立古江頭水腥魚菜市風碎荻花舟

鷓鴣天

只有梅花似玉容雪窻月戶幾尊同見來怨眼明秋水  
欲去愁眉淡遠峯山萬疊水千重一雙蝴蝶夢能通  
都將淚作黃梅雨盡把情為柳絮風

又

小院深明別有天花能笑語柳能眠雪肌得酒於中暖  
蓮步凌波分外妍釵燕重髻荷偏兩山斜疊翠連娟

朝雲無限矜春態  
莫雨情知更可憐

浣溪沙

畫角聲沉捲暮霞  
寒生促索錦屏遮  
沉檀半爇髻堆鴉  
蝴蝶夢回餘燭影  
子規啼處隔窻紗  
夜深明月浸梨花

浪淘沙

簾捲露花容  
幾度相逢  
他知我意欲相通  
偏奈天教多阻  
間積恨何窮  
雲雨杳無蹤  
愁怕東風  
時聞語笑恣



歡濃惟有俺咱真分淺往事成空

眼兒媚

始與官妓往來中道相棄遂以小字刺于眉間故作此詞

雲間藏一點飛鴉休把翠鈿遮二年三歲千擱百就今日天涯  
奴今有似風前絮飛入那人家你還下得除非睡起不照菱花

如夢令

竹外半窺嬌面真個出塵體段沒處可偷憐空倦眼穿腸斷休戀休戀只是與伊分淺

浣溪沙

閒理絲簧聽好音  
西樓翦燭夜深深  
半嗔半喜此時心  
暖語溫存無恙否  
韻開香靨笑吟吟  
別來煩惱到如今

減字木蘭花

陽關唱徹斷盡離腸  
聲哽咽酒已三巡  
今夜王孫是路  
人此情難說  
莫負等閒風與月  
欲問歸期來戴釵頭  
艾虎兒

又

半窻斜月茆店蕭條燈已滅床下蛩聲聲動淒涼不忍  
聽 終宵無寐覆去翻來真箇是屈指歸期應是梅花  
爛漫時

夜行船

送胡彥直歸  
郡醉中作

短檣輕舟排辦了歌聲斷晚霞殘照紅蓼坡頭綠楊堤  
外離恨知多少 別後莫教音信杳嘆光陰自來堪笑  
畫角譙門槐溪歸路正是楚天曉

眼兒媚

玉樓初見念奴嬌無處不妖嬈  
眼傳密意樽前燭外怎  
不魂消  
西風明月相逢夜枕單正涼宵  
殢人記得叮  
嚀殘漏且慢明朝

品令

黃昏時候悄不語心如醉無眠  
凝想別來繡閣多應顯  
額上了燈兒知是睡哩坐哩  
驀思歸計又還是重屈  
指從今已後睽離千萬且休容易  
這底恁惶你看是誰

不是

柳梢青

甜言軟語長記那時蕭娘叮囑清筦危絃前歡難繼鱗  
鴻無據紛紛眼底浮花拈弄動幾多思慮千結丁香  
且須珍重休胡分付

浣溪沙

金獸噴香瑞靄氛夜涼如水酒醺醺照人嬌眼媚生春  
我自愁多魂已斷不禁楚雨帶巫雲人情又是一番

新

又

坐看銷金煖帳中  
羔兒酒美獸煤紅  
淺斟低唱好家風  
愛客東君多解事  
晚粧新與畫眉峯  
便須催喚出房櫳

又

堆枕冠兒翡翠釵  
蒙金領子滿絢鞵  
于中沉淨好情懷  
新浴晚涼梳洗罷  
半嬌微笑下堂來  
蓮花因甚未曾

開

臨江仙

天外濃雲雲外雨  
雨聲初上檐牙紅  
葉應根洗粧花晚  
涼如有意  
霽霽到山家  
為喚山童多索酒  
金鍾細酌  
流霞暈生玉頰  
酒潮斜間中無寵辱  
醉裏是生涯

夜行船

送張希舜  
歸南城

綠蓋紅幢籠碧水  
魚跳處浪痕勻  
碎惜別慙  
勸留連無  
計  
歌聲與淚和柔脆  
一葉扁舟烟浪裏  
曲灘頭此情無

際窈窕眉山暮霞紅處雨雲想翠峰十二

浪淘沙

窈窕繡幃深窈窕娉婷梅花初試晚粧新那更嬌癡年  
紀小冰雪精神舉措忒輕盈歌徹新聲柔腸魂斷不  
堪聽但恐巫山留不住飛作行雲

如夢令

居士年來嬾散凡事只從寬簡身外更無求祇要夏涼  
冬煖美滿美滿得過何須積趙



卜算子

十載仰高明一見心相許  
來日孤舟西水門風飽征帆  
腹後夜起相思明月清江曲  
若見秋風寒雁來能寄音書否

眼兒媚

先來客路足傷悲那更話別離  
玉驄也解知人欲去驤首頻嘶  
馬蹄動是三千里後會莫相違  
切須更把丁香珍重待我重期

惜香樂府卷八

欽定四庫全書

惜香樂府卷九

宋 趙長卿 撰

總詞

南鄉子

楚楚窄衣裳腰身占却多少風光共說春來春去事淒涼  
嬾對菱花暈曉粧間立近紅芳遊蜂戲蝶悞採真  
香何事不歸巫峽去思量故來塵世斷人腸

又

月轉水晶盤樓上初聞一鼓殘又是去年天氣好欄干  
風動梅梢玉鬪寒無奈壯情闌對酒如何欲強歡誰  
道破愁須仗酒君看酒到愁多破亦難

謁金門

和德遠

燈乍滅忽見一天明月恰舞霓裳歌未歇露寒回絳闕  
羽服明暉玉雪笑語輕參環玦香澤惱人情不徹夜  
長窻自白

又  
和宗人

傷離索猶記竝肩池閣多病起來閒倚薄一秋天氣惡  
玉臂都寬金約歌舞新來忘却回首故人天一角半  
江楓又落

一翦梅

紅藕香殘碧樹秋羞解羅襦偷上蘭舟雲中誰寄錦書  
來雁字回時月滿西樓花自飄零水自流一種相思  
兩處閒愁酒醒夢斷數殘更舊恨前歡總上心頭

點絳脣

雲髻宮鬟淡黃衫子輕香透晚涼時候睡起新粧就  
冰枕生寒玉浸纖纖手沉吟久眉山斂秀愛道奴家瘦

又

舊刻此首後有浣溪沙二首是毛東堂作今俱刪去

烟洗風梳司花先放江梅吐竹村沙路脉脉搖寒雨  
醉魄吟魂無著清香處愁如縷繫春不住又折冰枝去

菩薩蠻

江城風火連三月不堪對酒江亭別休作斷腸聲老來

無淚傾 風高帆影疾目送舟痕碧錦字幾時來熏風  
無雁回

又

春山已蹙眉峰綠春心駘蕩難拘束惆悵為春傷惜花  
心更狂 對花深有意且向花前醉花作有情香與人  
相久長

畫堂春

當時巧笑記相逢玉梅枝上玲瓏酒盃流處已愁濃寒

雁橫空 去程無計更從容到歸來好事匆匆一時分  
付不言中此恨難窮

如夢令

寄蔡堅老

居士年來病酒肉食百不宜口蒲合與菠稜更著同蒿  
葱韭親手親手分送臥龍詩友

又

別恨眉尖無數後夜王孫何處歌館與粧樓目斷行雲  
凝竚凝竚凝憶淚千行紅雨



菩薩蠻

隔江一帶春山好  
平林新綠春光老  
休去倚闌干  
飛紅不忍看  
東流何處去  
便是歸舟路  
芳草外斜陽行人  
更斷腸

長相思

歛愁眉恨依依  
腸斷關情怨別離  
雲中過雁悲  
瘦因誰  
病因誰  
屈指無言忖後期  
此時人怎知

柳梢青

欽定四庫全書

瀟灑仙源天桃穠李曾對華筵歌媚驚塵舞鸞低月滿  
勸金船鑑湖烟水連天正歸棹紅粧鬪妍花霧香中  
人詢居士切莫多傳

賀生辰

好事近

賀德遠

不羨八千椿不羨三偷桃客也不羨他龜鶴一總為凡  
物羨君恰似老人星長明無休息好與中興賢主立  
維城勛績

朝中措

上錢知郡符主  
管朱知錄三首

南樓風物一番新  
春莫畀斯民  
豈但仁人愷悌更兼政  
事如神  
人生最貴榮登五馬  
千里蒙恩祇恐促歸廊  
廟去思有脚陽春

又

文章學業繼家聲  
名譽壓羣英  
早歲掀騰膺仕如公富  
貴難并  
定膺丹詔朱輪迅  
召陶冶蒼生  
自是鹽梅姿  
質佇看大手調羹

又

先生德行冠南豐錦繡作心胸暫屈徒勞州縣文章後  
進宗工 督郵綱紀才高幕府雅望尤崇此去定膺光  
寵且須滿醉西東

念奴嬌

上張南豐生日

桂華蟾魄到中秋祇有人聞一六浩渺清風因喚起千  
里吹飛鴻鵠碧落翻花瑤空隱瑞聲節琅玕筑板懷玉  
燕此時嘉夢重育 始信石在丹臺曠方八百子已三

千熟麟脯靈瓜那更有瓊竿神仙醺醪秋水春山柳腰  
花面一醉霓裳曲長生清淨自然何用辟穀

好事近

江上一江樓樓上遠山橫翠還更腰金騎鶴引竹西歌  
吹壽君春酒遣雙壺滿引見深意肯向蘅荷香裏喚  
儂來同醉

又

劒水靄歡聲喜慶間生人傑一段葱葱佳氣扇熏風時

節今朝銀艾佐琴堂爭把壽香爇去去鳳皇池上見  
龜巢蓮葉

柳長春

上董倅

梅喜先春雁驚未臘千門瑞氣浮周匝正當月應上弦  
時長庚夢與良辰合螺水恩濃盱江德洽壽盃勸處  
燃紅蠟明年此際祝遐齡賀賓一一趨東閣

武陵春

上馬宰

又是新逢三五夜瑞氣靄氤氲萬點燈和月色新桃李

倍添春 花縣主人情思好行樂逐良辰滿引千鍾酒  
又醇歌韵動梁塵

臨江仙

上祝  
丞

天祐炎圖生國瑞藍田暫屈英僚始知文宿降璇霄中  
元前五日七夕後三朝 江數風流臨此政少年瀟灑  
奇標行看峻擢相熙朝功名前稷契壽算等松喬

喜遷鶯

上魏  
安撫

商飈輕透動簾幙飛梧亂飄庭甃瑞氣氤氳沉檀初爇

烟噴寶臺金獸黃花美酒天教占得先他時候誕元老  
慶有聲此夕降生華胄歡笑宜稱壽絃管鼎沸宮商  
方頻奏滿捧瑤卮華堂歌舞拍轉金釵斜溜朱顏綠鬢  
慇懃深願鎮長如舊嘆濱海道難留指日榮遷飛驟

鵲橋仙

上張  
宣機

雲峰初斂秋容如洗庭院金風初扇蔥蔥佳氣靄侯門  
信天上麒麟怎見祝君此去飛黃騰踏日侍凝旒遽  
冕和羹調味早歸來坐看取蓬萊清淺





惜香樂府卷九

欽定四庫全書

惜香樂府卷十

宋 趙長卿 撰

拾遺

柳梢青

晴雪樓臺試燈簾幙適是元宵羅綺嬌春帝城風景今夜應饒爭知我繫如匏便皎月良天任教早閉柴門從他簫鼓細打輕敲

賀新郎

世諦人多錯阿誰將虛名微利放教輕著萬事莫非前  
定了選甚微如飲酌算徒詫龍韜豹畧縱使龍頭安尺  
木更從教豹變生三角渾是夢恍如昨 吾廬自笑常  
虛廓對殘編磨穿枯硯生涯微薄負郭田園能有幾隨  
分安貧守約要不改簞瓢顏樂西掖北扉終須到且嘲  
風咏月常相謔更要甚萬金藥

東坡引

舊刻此首後有滿庭芳  
一首是山谷作今刪去

茅齋無客至冰硯凍寒泚南枝喜入新詩裏惱人頻嚼  
藍惱人頻嚼藍因思去臘江頭醉倚動客興傷春意  
經年自嘆人如寄光陰如撚指光陰如撚指

杏花天

乍涼浙浙風生幕人獨在朱欄翠閣吹簫信香爐香薄  
眉上新愁又覺從前事擬將拌却夢不斷花梢柳萼  
一盃睡起誰同酌斜日陰陰轉角

臨江仙

遠岫螺頭濕翠流霞頰尾疎明斷虹斜界雨新晴烟村  
燈火晚江浦畫難成我向其間泛葉終朝露渚風汀  
老來心事最關情不堪三弄笛吹作斷腸聲

輓繡毬

和康伯  
可韵

流水奏鳴琴風月淨天無星斗翠嵐堆裏蒼巖深處滿  
林霜膩暗香凍了那禁頻嗅馬上再三回首因記省  
去年時候十分全似那人風韵柔腰弄影水腮退做成  
清瘦

眼兒媚

南枝消息杳然間。寂寞倚雕欄。紫腰豔豔，青腰裊裊，風月俱閒。  
佳人環珮玉闌珊。作惡探花還。玉纖撚栗，櫻脣呵粉，愁點眉彎。

菩薩蠻

日高猶戀珊瑚枕。羞紅不忿花如錦。雙燕運芹泥。燕歸人未歸。  
縱饒梳洗罷。朱戶何曾跨。寂寞小房櫳。回文和淚封。

鷓鴣天

落魄東吳二十春，風流詩句得清新。  
今年却恨花星照，再見溫卿與遠真。  
京口妓魁趙柔陳玉  
分楚佩，染巫雲，赤繩結得短花茵。  
若非京口初相識，安得毘陵作故人。

浪淘沙

綠樹轉鳴禽，已是春深。  
楊花庭院日陰陰，簾外飛來雙語燕，不寄歸音。  
舊事嬾追尋，空惹芳心。  
天涯消息遠沉沉，記得年時中酒後，直至而今。



謁金門

春睡足簾捲翠屏山曲芳草沿階橫地軸垂楊相映綠  
暗憶舊歡難續又是禁烟傳燭陌上踏青新結束秋  
千誰共促

侍香金童

一種春光占斷東君惜算穠李昭華爭竝得粉膩酥融  
嬌欲滴端的尊前舊曾相識向夜闌酒醒霜濃寒又  
力但只與冰姿添夜色繡幙銀屏人寂寂只許劉郎暗

傳消息

菩薩蠻

新晴庭戶春陰薄  
東風不度重簾幙  
第幾小蘭房  
雛鶯初弄簧  
悄寒春未透  
不解尋花柳  
只恐漸春深  
愁生求友心

清平樂

紫簫聲斷  
窻底春愁亂  
試著春衫  
羞自看窄似年時一  
半  
一春長病厭厭  
新來愁病重  
添香冷倦熏金鴨日

高不捲珠簾

好事近

齒頰帶餘香  
聲咳總成珠  
玉翦碎袖羅  
花片點金觥  
春綠  
玉魚花露自清涼  
涓涓在郎腹  
猶勝望梅消渴對  
文君眉蹙

思越人

向刻品  
令誤

好事客宮商  
內吟得風清月白  
主人幸有豪家意  
後堂  
然有春色  
花壓金翹  
俏相映酒滿玉纖  
無力你若待

我些兒酒儘喫得得得

武陵春

落了丹楓殘了菊秋色苦無多誰喚西風泣淚羅吹恨  
入星河 碧枝頭上金粟鬧曾插翠雲窩重揉檀英憶  
兩娥無奈冷香何

惜香樂府卷十

惜香樂府跋

長卿自號仙源居士蓋南豐宗室也不栖志紛華獨安  
心風雅每遇花間鶯外輒觴詠自娛鄉貢士劉澤集其  
樂府以春景夏景秋景冬景及總詞賀生辰補遺類編  
釐為十卷雖未敢與南唐二主相伯仲方之徽宗則迥  
出雲霄矣湖南毛晉識

